

վերակացուի պատրիարքին Յուճաց և Կղերաց նորին, զի 'ի կատարել զօրէնս իւրեանց յԱյրի անդ՝ չհակառակիլ միմեանց, այս ամենայն կատարեցաւ 'ի ձեռն պաշտօնէի դրան :

Ապա դարձուցանէ զդէմ բանին առ դատաւորն Երուսաղէմի, քանզի ընդդէմ Կայսերական հրամանին գիր տուեալ էր Լատինաց, չփոխել զխնդիրն կարգադրեալ, ջնջել և բառնալ 'ի միջոյ զգիրն գրեալ 'ի բարբառ Արաբացոց (Հէօճճէթ), և մի եւս համարձակիլ յայնպիսի կասկածաւոր գրութիւնս, մշտնջենաւոր յարգել զկայսերական օրինադրութիւնս : Տեղիքն զորս յիշեցաք, մնալ 'ի ձեռս Յուճաց, և բառնալ 'ի նոցանէ զիշխանութիւնս Լատինաց, բանալի դրան Այրին եւ հրովարտակս այս մնալ 'ի ձեռս Յուճաց. չհամարձակիլ Լատինաց 'ի կռիւ և 'ի հակառակութիւն ընդդէմ օրինադրութեանցս :

Նմանապէս ըստ մտաց Կայսերական հրովարտակին եւ օրինադրութեանն, որ նախ քան զայս տուաւ ազգին Հայոց, մի՛ լիցի վէճ եւ խռովութիւն պատճառանօք. պատուէր տալ մեծամեծացն այլազգեաց չյրդովել և արկանել խռովութիւն 'ի մէջ Պատրիարքաց և միաբանաց սակս ազահութեան իւրեանց՝ լինելով միոյն պաշտպան և միւսոյն զրկող, յետ կարգաւորելոյ եւ աւարտելոյ զայսոսիկ ծանուցանել 'ի Դուռն, 1171 (1759) :

Լատինք 'ի ժամանակի խռովութեանս այսմիկ առին հրաման Արքուճուստ, միջնորդութեամբ դեսպանին Քաղղիոյ, և նորոգեցին զվանս իւրեանց յԵրուսաղէմ, և զսենեակս 'ի Ս. Յարութիւն, և զվանօրայս Բեթղեհէմի եւ Յովհաննու Մննդեան :

Յետ գործադրելոյ Կայսերական հրովարտակին և գրաւելոյ Յուճաց զՍ. Տեղիս, չհանդուրժեալ Լատինաց ընդ այս, դիմեցին առ Կուսակալն Դամասկոսի Չէթէճի Ապտուլահ Փաշայ, և չրջեցին զնա 'ի կողմն իւրեանց մեծամեծ արօք և պատարագօք, որսացին նաեւ 'ի կամս իւրեանց զգլխաւորս այլազգեաց Երուսաղէմի և զշատաւորն իսկ գլխովին : Եւ 'ի գալստեան Կուսակալին յԵրուսաղէմ ըստ սովորութեան միանգամ 'ի տարւոջ, արգել զՅոյնս 'ի լուանալոյ զՊատանատեղին Քրիստոսի, զոր օրինադրեալ